



Minggu, 12 Maret 2023

Ogen: 1 Petrus 1:7



"I Sepuh Gelah Ermurnina"



W Percuban e tujunna guna ncidahken ntah kinitekenndu tuhu-tuhu ntah lang. Emas si banci ceda e pe isepuh alu api, apai denga ka kinitekenndu si ndauh ergan asangkan emas e. Kinitekenndu arus isepuh gelah ermurnina. Kenca bage maka i bas wari e pagi, sanga kerehen Jesus Kristus ku doni enda, ialokenndu pujin, kemulian dengen kehamaten'.

Emas rusur igelari logam mulia. Guna banci ndatken gelar logam mulia tentuna lit proses penyepuhen si wajib si dalanken. Emas si murni pasti igelari logam mulia; sedangken si la murni igelari imitasi/palsu (rupana saja si megersing bagi emas tapi situhuna bahanna palsu).

Isepuh gelah ermurnina, enda me tema paksa tenengta wari enda. Piga-piga si perlu sipergemetken janah jadi perenungen man banta, si jadi kata kunci guna ndalani wari-warinta e me "kiniteken si isepuh guna ngaloken pujin, kemulian dengen kehamaten." Guna ndatken pujin, kemulian dengen kehamaten e lit proses si arus idalani. Tentuna proses si ilewati e la gampang. Ibarat emas ndai, guna meteh dengen ndatken emas e tuhu-tuhu murni, lit proses/tahapen-tahapen si arus ilakoken. Guna meteh dengen ndatken kiniteken si paguh dengen payo pe iperluken penyepuhen si cukup Panjang. Salah sada penyepuhen kiniteken e me percuban/persoalen. Reh rusurna kita ngalaken persoalen reh paguhna kinitekenta, terlebih i bas kita erpengarapen dengen ngandalken kuasa Tuhan.

Kinitekenta e ndauh ergan asangkan emas/logam mulia; e maka tupung lit percuban si nderpa ula kal sempat bene kiniteken dengen tumpat ukur; erkiteken paksana nge kinitekenta isepuh gelah reh murnina guna ndatken pujin, kemulian dengen kehamaten. Sangap kita si ngenanami erbage-bage persoalen sabap arah si e si eteh me maka paksana kita iproses guna ndatken kemurnin kiniteken.

"Kinitekenta ergan kap asangkan logam mulia"